

齊有堂先生

齊秉慧。字有堂。鉅州府人。少業商。年三十三。遇舒詔弟子黃超。凡於漢口從之學。三年。乃棄商而業醫。著有齊氏醫書四種。凡醫案六卷。家傳醫秘二卷。痢證匯參十卷。痘痧醫案二卷。

齊有堂醫案目錄

消渴	望	胎產	充
暑症	望	調經	充
中風	四	小便不通	壹
陽萎	元	遺精	充
反胃	元	失血	壹
虛勞	元	喉痛 喉痺 疥腮 聲啞	五
痰飲	四	牙耳鼻	五
欬嗽	三	眼目	咒
痢疾	元	頭痛	咒
傷寒	一		

齊有堂醫案

武進徐衡之編纂
嘉定姚若琴

傷寒

曾治王貞臣感足太陽膀胱。足陽明胃。兩經合病。醫家不知分經。用桂枝葛根以合解兩經之邪。以通套方藥。胡亂雜投。以致兩經之病之邪。襲入手太陰肺經。肺主皮毛。統一身之氣者也。氣通則汗出。氣閉則汗壅。是以氣逆發喘。未得大下而兼發黃。且手太陰肺。與手少陰心。膜屬相聯。若藥再誤。其注肺經之邪。直攻心臟。形如煙薰。髮直頭搖。竟成心絕之候。正如足太陽誤用葛根。卽領其邪入陽明之例耳。不然傷寒之邪。過經不解。蘊崇日久。不過襲入厥陰心包已耳。豈有直攻心臟之理哉。吾用柴胡清外邪。大黃蕩內熱。麻黃發肺邪。杏仁下肺氣。甘草緩肺急。石膏清肺熱。煎服一劑。得大下喘止黃退。而思飲食。繼以養營清補。調理兩旬而安。

曾治王玉珏未發譫語。外見頭眩嗜臥。身重惡寒。便泄不渴。夜間發熱。漸加大熱。不惡寒。轉惡熱。掀去衣被。揚手擲足。身漸出汗。漸至大汗。其勢方解。明日亦復如是。醫經半月無效。予細察之。果何症也。將謂陰盛格陽於外耶。亡陽之症無此大熱。將謂三陽之表熱耶。并無頭項腰背骨節疼痛。及耳聾口苦等症。且未見煩渴飲冷。白虎非所宜也。以此而論。定爲熱結旁流矣。不煩渴者。乃爲結燥隱匿腸間。不在胃腑。故不能耗其在上之津液也。吾用黃芪白朮炮薑附子半夏故紙。重加大黃一劑。而下燥屎二三枚。是夜不發熱矣。於是方中去大黃數劑而全愈。

曾醫繼唐魏舅氏。善人也。身舉孝廉。形體素豐。謙恭仁厚。自謂六十後。多食則脹悶。今年七十有三。目精不慧。近視不明。六七年矣。乃一日午膳後。縣尊請商公事。時當酷熱。過勸菉豆粥一碗。是夜下利數十次。不能起床。起則眩暈。明早診視。按之六脈沉細而微。其糞內帶清水。愚曰。此太少二陰驚

溘之症。而兼陷暑邪也。雖有外邪。不可清解。法當大補中氣。扶脾固腎。溫經禦邪。回陽止泄。方可無虞。乃用芪朮芡實懷山各八錢。胡巴故紙苡仁半夏各三錢。炮薑附桂各一錢。砂仁白蔻各七分。連進五劑而利稍減。再進十劑。仍然昏沉。又服十全大補湯十劑。病微退而精神漸爽。飲食亦進。但四肢無力。難於轉側。利微下而卒不止。又與人參養營湯十劑。雖然起床。不能久坐。但見皮膚光澤。身輕易於轉側。又與理脾滌飲十劑。是夜不安。煩悶之甚。愚意日久。雖在下利。而未見糞。更見脹悶不安。以此察之。定爲熱結旁流矣。遂以參芪附子湯加桔梗一錢。大黃二錢。服之不安。又用麩麵炒熨夜半稍安。次早復作更甚。自覺腹中氣壅。十分危急。其間予爲舅氏調理五十餘日。往返在二百餘次。晨夕焦勞。又令前湯再進。炒麥麵再熨。自云目中出火。其心欲落。急令扶起。掙下一物。其狀如茄子。不軟不鞭。良久病去如失。自出中堂。卽進飲食。言語如常。隨卽剃頭。見鬚髮內長出一層黑髮。約長數分。公聞之。

而喜曰。我之病難望保餘生耳。今何以病愈而長黑髮。目睛復明。竟能視細字乎。神哉醫也。此後之壽而康。皆賴吾甥之力也。賜酒漿脯醢領謝。孔方十萬卻之。

曾治張太來之妻。寒熱間作。口苦咽乾。頭痛兩側。默不欲食。眼中時見紅影動。其家以爲雷號。來寓備述。予曰非也。此少陽腑邪溢於肝經。目爲肝竅。熱乘肝胆而目昏花也。予用小柴胡和解少陽。加當歸香附宣通血分。羚羊角瀉肝熱而廓清目中。不數劑而愈。

又治予八女。年六歲。寒熱往來。每於夢中驚叫而醒。爬上人身。且哭且怕。至十餘夜。不能瞑目。將合眼卽大叫大哭。維時予南署外回。歸家婦語以故。余曰。此爲膽虛熱乘。用小柴胡湯。去黃芩。乾未見口苦咽加白茯神遠志。寧心安神。竹茹開鬱。真琥珀定驚。一劑而安。語云。熟讀王叔和。不如視證多。信然。

曾治知府楊迦憚。任興邑事。稟性仁慈。居官清肅。因署馬邊撫夷府軍務。焦勞。患溢飲症。右肩痺軟。痠痛。又署邛州。不能簽押。神色衰憊。醫治無效。納稟告病。上以廉能不允。令復興邑任。促騎請治。診之。兩寸洪大而緊。餘皆沉微。余曰。公之恙。乃太陰溢飲爲患。病在氣分。前醫不知分辨氣血。誤用血分之藥。以貽害耳。法宜補大。中氣醒脾。崇土。宣通氣分。卽當奏功。乃用芪朮砂半乾薑白蔻虎骨蕨靈仙桂枝薑黃。十劑而效。再服十劑。其痛如失。遂與歸脾湯去木香甘草加五味子鹿茸玉桂爲丸。脾腎兩補而愈。但公行年五十。尙未生子。向余索求種子方餌。余念公謙恭仁厚。與之龜首丸服畢。致書曰。前賜妙丹。服之神效。懇煩再配二料。遂如命復之。調理數月。步履輕健。精神康壯。如夫人有喜矣。明年壬申。降生一子。又明年。又生一子。骨秀神清。均甚壯美。余見而喜。公頓首謝曰。起我沉疴。身受益矣。賜我後嗣。澤及先矣。綢繆訂交。濃情款洽。後陞遷別去者二十三年。辛卯秋闈。卸寧遠府事。引見候。

陸。吾子於省垣一遇。年已七十二矣。重話巴山。猶深縈念。是時精神矍鑠。尙運筆如飛。前後手書。見惠不一。中酬我以錦聯曰。自是君身有仙骨。遍與人間作好春。匾曰。妙合六經。蓋公之書法。見重當時久矣。

曾治汪少宰妻。腹中急痛。惡寒厥逆。嘔吐下利。脈見微瀋。予以四逆湯投之。無效。其夫明日來寓告曰。昨夜依然作泄無度。然多空坐。酢脹異常。尤可奇者。前陰酢出一物。大如柚子。想是尿脬。老婦尙可生乎。予卽躊躇良久。曰。是症不可溫其下。以逼迫其陰。當用灸法。溫其上。以升其陽。而病自愈。用生薑一片。貼頭頂中百會穴。上灸艾三壯。其脬自收。仍服四逆湯。加黃芪白朮二劑而愈。

喻嘉言曰。少陰水也。跌陽土也。諸病惡土尅水。而少陰見症。惟恐不能制水。其水反得泛溢。而真陽失溫。飛越於外矣。此消悉病情之奧旨也。

曾治北關口王相。患咳嗽吐痰。右脅刺痛。胸膈不開。飲食無味。顏色枯

槁。形神俱憊。自謂知醫。服藥無功。方求余診。按之右寸關浮滑而緊。餘脈如常。余曰。君之恙。乃脾經虛弱。痰飲由胃而旁流入脅。其病名曰懸飯也。法宜黃芪以補胸中之陽。白朮以助脾中之陽。砂半醒脾開胃。薑蔻溫中逐飲。宣暢胸膈。芫花草果搜剔脅縫之痰。自愈。果服二劑而效。惟痰仍盛。乃與八味丸補而逐之。乃安。

曾治蕭以德患陰寒。面白膚冷。青紫成團。見於足而足不能移。見於臂而手不能舉。見於腮而口不能言。且牙齦凍冽潰爛。然時而心悸。昏眩欲絕。此爲陽虛陰盛並見也。吾以生熟附子並用。更加參芪茸朮以固其脫。歷兩旬而愈。

如此條症大汗出者。眞陽外亡也。熱不去者。微陽尙在軀殼也。四肢拘急者。陰寒內結也。四肢疼者。陰寒浸入關節也。兼之厥逆下利而惡寒。在裏又純陰也。合而觀之。與陰邪盛並見。法宜生熟附子並用。更加芪朮以助後天之陽。庶乎有當。單用四逆。於法尙欠。

曾治錢仲仁患喉痺。陰火上蒸。津垢積而成塊。堅白如骨。橫於喉間。痛痺異常。其症惡寒嗜臥。二便不利。舌苔滑而冷。口不渴而懶言。觀諸症形狀。總屬虛寒。何以二便不利。蓋爲陰邪上逆。喉間清涎成流而出。津液逆而不降。故二便不利。吾用生附子驅陰散寒。熟附片助陽溫經。桔梗苦以發之。炙草甘以緩之。半夏辛以開之。阿膠以潤咽喉。服一劑。喉間白骨卽成腐敗而脫去其半。痺痛稍緩。略可糜粥。小便漸長。三四劑而大便行。糞多且溏。如是十二劑而愈。由今思之。曩時學識猶欠。阿膠桔梗可以不必用。當用黃芪以助胸中之陽。白朮以助脾中之陽。接引眞陽上達。方爲合法。

曾治鄉中一家八口。患斑皆同。急求醫治。予卽用消斑神效湯而施治之。方用玄參一兩。麥冬一兩。升麻三錢。白芷二錢。白芥子三錢。沙參三錢。丹皮五錢。水熊服。一劑斑勢減。再劑斑紋散。三劑斑影盡消矣。此方妙在玄參麥冬以消斑。尤妙在升麻多用。引玄參麥冬以入於皮膚。使羣藥易於奏功。

而斑無不消。此症如衆人患一般者。天行時疫也。嘉慶丙寅。予在清水。城鄉皆染斑疫。概施前方。而活人者多。甲戌回郡。又遇大疫。兼有夾斑者。亦以此方救活甚衆。若非神力。人豈盡能之耶。吾願仁人醫士寶之錄之。以遍傳天下。則功德無量。

曾治王榮慶。心窩發斑。壯熱口渴。神昏志亂。告急求治。予以起斑湯與之。方用升麻二錢。當歸一兩。玄參二兩。荆芥三錢。黃連三錢。天花粉五錢。甘草一錢。茯神三錢。水煎服。連進三劑而安。此症乃火毒結於內。必須盡行發出。然內無血以養心。則心中更熱。火毒益熾。而不得外越也。故用當歸玄參以滋心中之血。用黃連以瀉心中之火。天花粉以消心中之痰。然無開關之散。則火藏於內。而不得外洩。故又用麻升荆芥以發之。甘草茯神以和之。自然引火外出。而不內蓄也。火既外越。斑亦漸消。又何致於危殆。

曾治蕭萬有。患傷寒發狂。棄衣而走。不避羞恥。登高而歌。遇巖而跳。罵

罵呼號。終日惟思飲水。其友請治。以祛熱生胃湯。用石膏三兩。知母三錢。人參五錢。玄參三兩。茯苓一兩。麥冬三兩。車前五錢。煎水十碗。一日灌完。是夜狂定。明日亦如前法一劑。明夜而口渴減半。又明日亦如前法一劑。而口渴方止。火亦頓息。乃改用四物湯。重用生地一兩。以保護元陰。滋養肝血而愈。前方妙在石膏。知母以瀉胃火。人參以生胃氣。玄參去浮游之焰。麥冬生肺中之陰。茯苓車前引火下行於膀胱。從小便而出。且火盛者口必渴。口渴必多飲水。吾用茯苓車前二味。以分消水濕。則水流而火自隨水而散矣。方中瀉火。又不傷氣。較勝於白虎湯。予常以此治火熱發狂。或汗如雨下。口渴舌燥。或起芒刺者。即奏奇功。但要知病之輕重。而斟酌乎用藥之輕重。庶不致誤耳。

曾治鄉中一健漢。患傷寒。結胸症具。煩躁不寧。胃氣將絕之候。促騎求治。予與之化結湯。用天花粉五錢。枳殼二錢。陳皮二錢。麥芽三錢。天門冬三

錢。桑白皮三錢。吳神麴三錢。連煎二劑。卽結胸開。而津液自生也。此方用天花粉代瓜蒌。不至陷胸之過猛。蓋天花卽是瓜蒌之根也。最善陷胸。而無性猛之憂。枳壳消食寬中。麥芽與桑皮同用。而化導更速。神麴陳皮調胃。真有神功。天門冬善生津液。佐天花粉有水乳之合。世人鮮有知也。且天花粉得天門冬化食化痰。殊有不可測識之妙。所以旣結者能開。將死者可活。若以大陷胸湯蕩滌於已汗已下之後。鮮有不速其死矣。予又不得不深爲告誡也。

曾治毛天祿惡寒身蹇。四肢逆冷。下利不止。命在須臾。其弟求治。予用黃芪一兩。附子二錢。甘草二錢。乾薑二錢。白朮一兩。茯苓五錢。水煎服。方名救逆止利湯。一劑而逆回。二劑而利止。三劑而全愈。此症雷真君用參附湯。予因貧人無力購參。故易芪附湯加減亦效。蓋芪附回元陽於頃刻。以追其散失之元陽。更祛其陰寒之氣。白朮茯苓以分消水濕。而仍固其脾中之陽。

乾薑甘草調和腹中。而使其熱生於內。則外寒不祛而散。自然寒者不寒。踰者不踰。逆者不逆。利者不利矣。夫亦安有不愈者乎。

曾治黃大元患傷寒。吐利交作。四肢逆冷。又加煩躁。飲食不進。來寓求治。予以奠安湯。用黃芪二兩。以代人參。白朮二兩。肉桂二錢。丁香二錢。故紙三錢。水煎灌之。立即救危。此方用黃芪以救胸中陽氣之絕。白朮以救脾胃之崩。實有至效。丁香止嘔。肉桂溫中。又能止泄。故紙收固腎氣。救中土之危。亡。奠上下之變亂。轉生機於頃刻。杜死禍於須臾。若有真正官參。十人可救九人活也。

曾治楊子寬患陰寒直中腎經。面青鼻黑。腹痛欲死。更加囊縮。促騎告急。予曰。死亡頃刻之症。治之少遲。必一身盡黑而死。急與之救亡丹。用人參五錢。白朮二兩。附子一枚。乾薑三錢。肉桂五錢。水煎。急與之服。一劑而效。此症全是一團死氣。現於身之上下。若不用此等猛烈之大熱重劑。又何以逐

陰寒而追亡魂。驅毒氣而奪陽魄哉。故人參少用而桂附不可不多用也。然而白朮又何以多用之耶。不知白朮最利腰臍腹痛。欲死非此不能通達。故多之以驅駕。桂附以成其祛除掃蕩之功。而奏返魂追魄之效耳。

曾治王尙賢患陰寒直中腎經。心痛欲死。嘔吐不欲食。下利清水。其兄求治。予曰。乃弟病犯不治。寒邪犯心。脾胃立絕。此時藥緩不濟事。速以針刺一下於心窩穴。出紫血少許。然後用逐寒返魂湯救之。或可得生否。予以黃芪一兩。良薑三錢。附子五錢。茯苓五錢。白朮三兩。丁香一錢。煎服而甦。此方專逐心中之邪。返元陽於頃刻。心君定而諸邪退走。脾胃自安。不致上下之逆。庶可冀其重生。否則因循觀望。有立死矣。

曾治陳會元患陰寒直中腎經。手足指甲盡青。兩脅作痛。腎囊縮入。拽之不出。蹇曲而臥。其弟告急。予曰。此陰寒從腎氣以入肝。而筋先受病。肝氣欲絕。勢在不可救之例。夫肝木之絕。由於腎氣先絕。今欲救肝。不得不先救

腎。乃與之救腎活肝湯。用白朮二兩。當歸一兩。熟地一兩。山萸肉五錢。附子三錢。肉桂二錢。人參五錢。連進三劑而安。此方祛寒之中。仍用回陽之藥。且加入熟地山萸。則參朮無過資之益。附桂無過燥之憂。肝得火而溫。亦得水而養。自然筋活而青去。囊寬而縮解也。

曾治李映山亦患症如前。予診之曰。險候也。乃與蕩寒湯。重用白朮三兩。以利腰膈之氣。肉桂三錢。以溫命門之火。丁香一錢。止嘔逆。吳萸一錢。返厥逆。則寒邪無所匿藏。故能一劑陽回。神清而氣爽矣。予於五十年內。經歷此危症數十人。均以一劑回春。故敢告之同志。

曾治一鄉人中暑亡陽。汗出不止。其兄求治。予曰。此氣從汗出。法當急補其陽氣。則陽氣接續陰氣。而不至氣脫也。用獨參湯。神應之極。但足下無力買參。不若以當歸補血湯救之。當歸一兩。嫩北芪二兩。蜜炙。加大桑葉三十片。煎服而汗立止。又與十全大補湯。重加黃芪二劑而安。前方妙在桑葉。